

味
六



味餘書室全集定本卷七

古今體詩六十七首

戊戌下

桂

靈根應向月中分
徧植瀛洲發異芬
仙掌欲攀傾晚露
佛香無界裊秋雲
皋塗放萼初標艷
海上成林自絕羣
清隱王孫招不得
一枝消息問淮濱

不同凡卉共辭條
獨秀臨風影欲搖
只有白榆和月種
偏宜青女拂雲飄
天香千里銀河

味餘書室全集定本

卷七詩

淡清景三秋玉宇
寂簇簇金花圍寶樹
木樨

聞否客塵消

詠晏嬰辨和同

岐山鸞鷲鳴尚父
興漁釣酬功錫青社
析圭東海嶠建國富
且強後起德不邵賢
臣救時出管晏後先
耀景公詢和同嬰也
竭忠告可否盡逢君
面從背諂笑甘言媚
其心媵姪投所好急
弦聲乖張元氣日消
耗哲士遇明君正直
守德操是非不苟從
既濟歸受教一誠



惟愛君盡忠實輔導鹽梅水火調宮商具衆
妙和同辨兩途賢奸如鏡照大義誠不乖立
言得體要自有謨弼才勢孤莫除暴齊桓霸
已衰景弱才難肖棄賢且比匪牛山自傷悼
聽言莫能行膏肓難醫療遂令姜為田一木
悲棟撓惜哉爽鳩樂端臺空憑弔

擬張茂先勵志詩

遂古緼緼乾維坤軸兩儀既分三才位育氣
運迭遷寒暑倚伏東作南訛西成北陸

味餘書室全集定本

卷七 詩

二

人生鼎鼎歲月屢遷曾不少留逝者如川博
學無方及茲壯年祖識往聖孫友後賢
受天之中惟人為貴聖哲合天品物咸彙至
矣六經凜乎三畏昌歎之甘同茲臭味

良玉琢磨用成國器英英桐子胡為自棄大
道曰遵庶無失墜莫謂難行操心勵志
鍾繇學書破冢投筆紀昌懸菴三年貫蝨微
技動中精誠專一自檢乃心慎毋放逸
三代規模去今不遠致知力行樹滋根本嗟

爾庶士蕩遊忘返秋月春風忽焉已晚
一簣為基終成九仞惜彼分陰曾不逾瞬息
茲在茲及時修進彼君子兮輯柔溫潤
行遠自邇登高自卑滄海廣大始於一蠡勿
助勿忘慎爾越思克己力行惟德之基
樂善不疲容容雅雅制器必良自求陶冶雞
鳴孜孜辨于取捨希聖希賢予何人也

自題翠巖清響小照

何來瀟灑元都客自抱閒懷坐岩石三尺焦

味餘書室全集定本

卷七詩

三

桐囊未操月明風靜千松碧真機貌得有誰
知濤生紙上雲生席本來爾我試叅詳昔勝
今兮今勝昔

題引筠軒

吾廬吾亦愛點綴匪更新屋小欣容膝窓疎
恰引筠三餘供誦讀十笏絕埃塵靜憩生虛
白忘機自養真

琴德最優

王道尚禮樂聽政用八音宮商具衆妙蓄德

惟瑤琴解愠歌南風正聲夙所欽安絃志和
諧雅操匪自今一奏胎仙舞再鼓鯨魚沈猗
蘭啟至聖平沙警栖禽五曲歌既備四善莊
不淫滄濤瀛海嶼夜雨巫山岑子期終可見
相與樂愔愔

恭和

御製東巡盛京叩謁

祖陵是日啟蹕得詩八韻元韻

天作崇基啟鎬京上

味餘書室全集定本

卷七 詩

四

陵三展奉

先情白藏高朗垂乾健析木輝煌出震行霜
露因時昭

聖孝禮儀詳備盡

皇誠四郊灑氣平原爽萬里秋光

蹕路呈士庶歡騰迎羽騎兒童抃舞擁霓旌

澗瀍卜宅思

開創十二臨民念守成

堯臨民以十二謂
十二載一巡狩也

即

此安懷

頒賞賚遂

施仁惠罷徭征

宸章百讀難蠡測克紹

前聞慎捧盈

恭和

御製題融理堂元韻

孤竹遺蹟存

時巡過故里

行宮不日成淳樸澹如此清景宜素秋

味餘書室全集定本

卷七 詩

五

鑿輿一宿止墨胎墟久荒千年木拱矣

聖意寓褒忠題額析至理道一分則殊融會

純不已清和任惟時折衷寸心是熙熙萬物

歸隘也焉用彼

恭和

御製夷齊廟即事元韻

葆祠幾度

六飛臨二老孤忠感

睿吟知命難從齡錫主愛君共守歲寒心秋

風古殿松杉老夜月空階猿鶴尋大節獨標
千萬世昭然遺蹟兆民欽

恭和

御製過永平府詠事元韻

天聰創業乾坤旋告

天七恨出萬全雄師八部入三邊直趨燕京
攻何難六軍鼓盪能摧堅薄城弗取致和焉
神威示傲舍弗蹇

帝憫萬姓德彌天以仁得之奚事虔王師回

味餘書室全集定本

卷七詩

六

指用經權夜趨永平奇兵連一戰克取黔黎
安息衆饒歌返旌旃折衝留守

命重臣

叶

聖諭嚴戒毋殺殘復設重鎮調大員僨轅敗
事啟爭端明師乘勢幸復還轉敗無計阡守
官夜棄三郡歸汗顏

天威震怒申命宣功成不易惜棄捐拘囚赦

死懲且勸

叶

文皇功烈巍巍然

宸懷念
祖述辛艱
熙朝萬世承乾乾

恭和

御製曉發元韻
翠罕啟朝烟千峯洗曉隋日出東海隅焜耀
無偏照望

幸愜輿情蠲租奉

明詔夾道仰

味餘書室全集定本

卷七 詩

天顏羅拜共歡笑

時巡法

神堯衢壤協同調

擬謝靈運九日戲馬臺作

寒日催嘉節清風起疎林暮秋忽已至重感
高讓心華蓋啟朱宮層臺既俯臨鳳翼共攀
附佳宴欣盍簪賢哲不可挽別緒殊惜惜巢
由願避世伊傳慚為霖養素敦夙尚分手歌
商音歸棹放遠渚邈絕黃綺吟晨風引行蓋

流雲結輕陰擬欲謝朝列杖策相追尋

九月九日為

先母令懿皇貴妃誕辰有感敬成一律

楓樹翻紅葉尚肥又驚令節感山有列太

春暉

母慈千古難言報孺慕終身莫可依此日舍

悲惟自憫當年拜舞竟成非流光荏苒過三

歲莫罄兒心涕淚揮

九日感賦

味餘書室全集定本

卷七 詩

八

落帽風流憶孟嘉又逢九日興偏賒登高會

啟叅軍座送酒人來處士家入席昨曾題彩

餌餐英只恐負黃花雲山是處堪憑眺閒倚

斜陽數暮鴉

天門兩度未登臨祇覺忽忽歲月侵烏帽歌

斜多逸興黃花開謝動秋吟溪山有恨成終

古雲水無情獨感今

前歲與四兄履郡王于九日同在古北口內南

天門登高有詩紀事

俯仰今昔曷勝追悼

漫佩茱萸虛把酒幾回

俯仰繫遐心

恭和

御製渡句驪河元韻

翠華秋駕驥黃驪遼河二派自東復會西波
濤浩渺淤沙泥澤梁脩治遵通達網罟不禁

利漁師

聖心聿懷念在茲吉行安安殊古時河山帶
礪倍赫斯

時巡三渡歲月移安流伏軌無施為昭後嗣
溯

味餘書室全集定本

卷七 詩

九

前懿

叶

乘乾行健綱領提

恭和

御製恭謁

永陵元韻

千峯朝啟運

四祖發祥初基業垂無極雲初慶有餘

形聲

誠意接優胤

孝思舒三謁

忱彌篤

皇情倍藹如

恭和

御製興京疊癸亥舊作五言十韻元韻

翠輦過豐沛

深懷

創業時宅都

開正統作邑

味餘書室全集定本

卷七詩

十一

啓神基

聖祖羹牆慕

今皇陟降思敦仁間里盛示儉土階卑弓劍

昭

隆績衣冠溯

睿姿醫閭盤北塞鳴綠匯秋陂萬載欣

原廟三番駐

羽旗

瞻依通盼蠻

對越每栖遲王氣千山擁

鴻勳百世垂

瑤篇揚

遠烈

申做子孫知

恭和

御製恭謁

福陵元韻

東極乾坤闢

味餘書室全集定本

卷七 詩

真人奮日邊萬靈朝丙夜五氣拱中天

帝業今垂統

龍興昔卜年艱難思

締造霑灑獻牢肩

恭和

御製恭謁

昭陵元韻

丕承

高廟烈

繼述緬別載燕京詞對詩

神孫文武宗 東內藏林中器設置觀松杏一

純佑衣冠感 小醜意刻燻著奚精竹帛垂眼

至尊 齊貞賢六馬制畫祖創風制空

英靈符沛上 繪來祝

德化啟周原守舊欽

明訓無疆治法存

恭和

御製

味餘書室奎集定本

卷七詩

七

昭陵石馬歌用舊作趙霖畫唐太宗六馬圖

歌韻元韻

文皇繼統承

天詔二駿開基具神妙御

聖功成百戰餘永侍

珠丘精彩肖貞觀六馬傳畫師陰風慘淡空

爾為磨礮星石緬遺像勲業奚誇竹帛垂明

馭不網虛甲第即鹿林中器危置

帝心雪恨薄燕京臨得旋師

示大義

當陽受壘同天人治兼創守咸尊親松杏一
麾破大敵

神謀天縱驚虎臣機宜分授操

雄斷松江遼海中流亂

身先士卒御雙龍馳驅行陣無疑難萬禩屹
立松楸間五雲汗血色半殷

龍興大漠拓疆宇驂騶耳功艱難權竒月
精昭二白秋風春露般生色

味餘書室全集定本

卷七 詩

七

時巡求舊述長歌奉

先行健戒晏息

恭和

御製至盛京疊癸亥七言長律十四韻元韻

澗瀍肇域啟瀛東立極中天氣鬱葱禮展

橋山昭奏假

恩沾白水樂攸同克勤時邁行

乾健虔詣明禋肅

聖躬翹企

三陵風雨外駿奔百辟苾芬中桓桓虎旅環
丹禁赫赫神靈護碧空

宸闕遙連峯迤邐

帝居高揭柱玲瓏知艱每念經營力停

蹕還思

締造功聲教覃敷逾禹貢旆旌爰止邁車攻

陪京父老迎

先輅

原廟衣冠拜故宮作邑歌如周在鎬蠲租

味餘書室全集定本

卷七 詩

十四

澤渥漢過豐

重華奕禩遵

堯典

永慕千秋廬

睿衷遼瀋

鴻基瞻炳煥寰區

德化共和融留都競識

龍顏喜薊野常看

輦路通初旭瞳矐輝豹尾晴霞遙絢海門紅

晚菊

秋深百卉共漂搖最喜孤芳晚節標淡泊餘
香原不落闌珊獨秀那無聊開時能傲金風
老摘罷寧辭青女調彭澤籬邊虛送酒餐英
猶喜素心傲

早梅

嶺嶠梅英破點脣幽芬幾朵發霜晨自分天
上無雙品獨占人間第一春雪裏暗香欣綻
蕊月中疎影靜消塵先開不畏寒威肅十月

味餘書室全集定本

卷七 詩

十五

初看綠萼新

飛鴻響遠音

秋風吹萬里天外落鴻音順候辭寒塞飄空
近碧岑低隨黃葉下高度白雲深湘水人延
佇蕭關夢杳尋淒清初入耳嘹唳忽驚心南
浦樓頭月平沙指上琴艣聲搖渚北砧韻答
庭陰振翮丹霄路冥冥思不禁

庭愛新霜為橘紅

霜落階除秋老時新沾橘實發華滋淡宜青

女標三彩密綴瑤林綻幾枝閩嶠清芬傳顯
顥洞庭佳樹想離離丹球鳳卵繁生意小隱
香寒許共持

擬前緩聲歌

蓬萊境窳窳弱水環巖阿元鶴翔雲中貝闕
臨魏我安期食大棗童顏如舜華雲輶駕白
鹿桂樹舞姮娥珠旗紛叅錯霓裳翻素羅八
音奏既備鸞鷲鏘調和玉餌鎮瑤席拊鼓咸
安歌天門闢北極返馭冲飛霞靈雨灑鳳翼
神風激迴波九垓溢嘉氣獻瑞來天家

雲中辨江樹

憑眺情何極徘徊寄渚雲江皋遙莫辨樹影
望猶分蒼鬱迷嘉蔭葱籠接異芬孤舟來楚
澤歸鳥去淮濱遠岸排朝霧平林轉夕曛微
茫連雁路指點沒鷗羣一抹拖霞綺千層繪
碧雲宣城留妙句懷友意良殷

水色浮江白空濛認斷雲遙連天浩蕩隱帶
樹續紛幾疊環前浦千章挂薄暉陰垂含宿

雨聲起度輕氛練淨平無界烟鋪淡結雲蒼
茫看未足葱鬱靄成文遠岸縈回外歸舟指
點分賞心於此遇詩境正堪欣

作窖

治凌陰之室也

凌陰初治室坎窩氣潛蒸周禮時藏取幽風
典薦登火威除涸返土壁築堅凝旁達舟無
楫中虛月半稜幽深堪久貯燥濕本相承瑤
海方當鑿崇樓匪獨矜四隅圍屹屹千葦蓋
層層好待司寒享晶瑩喜納冰

味餘書室全集定本

卷七 詩

七

琥珀拾芥

琥珀鍾靈異偏宜芥子緣吸非虛可受拾是
動多連成菌蒸相似為舟滯有然流形舍下
上通理徹中邊比瀋非難辨無根本易懸千
齡覘變化一氣暗迴旋妙合真無迹因依不
待牽由來神感召針石巧同傳

松液凝成珀晶瑩有歲年采苓遲未煮拾芥
妙先傳入地金精聚黏空玉粒圓類同針引
石氣合汞流鉛雲夢吞無外須彌納已全像

生中孕巧感物意為緣一吸如相偶千磨竟
自聯漫誇青紫取騰上荷

陶甄

窖花

巖冬閉塞衆芳凋治窖藏花本不搖窟底幾
枝標冷艷盆中數朶綴柔條用資坎窞苞完
固功著離然氣變調能傲寒梅香較馥獨留
紅紫入春嬌

山意衝寒欲放梅

味餘書室全集定本

卷七 詩

六

深岩梅信早消息透窮冬皎雪誰爭勝幽香
已暗衝鈿珠藏邃壑綴玉露遙峰瑤蕊風前
綻芳魂月下逢嵐迷天漠漠溪浸影溶溶吹
琯貞殘臘巡簷索舊容漸舒陽一線欲度嶺
千重驢背情偏逸追尋高士蹤

喜雪

十月二十七日

幾陣天葩灑玉欄迷離雪景望中看艷舍萬
瓦翻鯨甲光射三階映月團絮舞灞橋神欲
漾梅開江國色堪餐坡仙漫疊尖叉韻詩骨

凌兢巧耐寒

吹葭六琯動飛灰

欲驗一元復先徵緹室灰管端原籟寂夜半
見陽回應候宮商順微萌混沌開鳳笛知漸
入牛鐸不須催地氣三重出天心七日来無
形誰橐籥有象妙根荄以後參宮變于中得
律魁神機因物感生意結胚胎

南枝有早梅

幾朶梅英發淑姿驚人春信報南枝凌寒蓓

味餘書室全集定本

卷七 詩

九

蕾欣先綻向暖芬芳豈後期消息前村深雪
裏舒遲東閣曉風時錦幡何用勤遮護未許
江城玉笛吹

刺繡五紋添弱線

長至微移晷功欣一線添深閨同刺繡比屋
下重簾腕底非爭捷竿頭自叶占遲遲時漸
緩縷縷日相兼絢彩看成袞摛文漫織繡課
勤增尺素驗候展瑶籤本覺金針速忘勞玉
指纖唐宮留勝事杜老尙重拈

擬謝宣遠詠張子房詩

周綱委三晉故趾哀黍離六雄勢漸頽大厦
木不支祖龍興何暴九鼎力可移民心苦苛
政赤帝奮雄姿偉哉子房公博浪起一椎人
傑建大計撥亂開帝基除秦笑彈指破楚觀
舉棋素書協神謀天授揆主知手扶少海日
袖挹商山芝功成能勇退赤松遐可師稽古
念先哲鳴和戾崇祠赫赫羅星駕翼翼揚朱
旗愛樹奉時祀薦羞隆多儀功德契英偉不
愧勉為

味餘書室全集定本

卷七 詩

五

題九九消寒圖

占候披圖彩筆調曉妝暖閣驗寒消數增大
衍竒生九萼綻孤芳偶破么祇覺遲遲瓊樹
燦笑拈點點薄脂描陽和漸布殘年度合擬
青青結子饒

山明望松雪

雪霽遙山朗寒光半在松烟連形夭矯凍合
氣葱龍蝶粉鋪霜榦蚪枝晃玉峯影分初夜
月聲帶下方鐘徑狹孤根聳巒迷古黛重低
垂千舞鶴倒挂萬游龍夕照崖前絢流雲澗
底封翠屏欣入望爽豁色方濃

擬張景陽昔在西京時

長安鞏都會漢治崇樸淳二疏脫簪去祖餞
城東闐車馬何絡繹軒蓋揚紅塵守道善輔
翼明哲能保身榮華豈足戀甘與烟霞鄰德
化動士庶揮淚嗟忠純受賜樂晚節娛志忘
清貧保後慮深遠名言却衆賓鴻德耀弈禩
慕古如飲醇多財或損志賢者宜書紳

慈竹

猗猗慈竹生高陂根無外長本不離修莖巨
葉看叢茁百千縈結包瓊枝中聳勁節外保
護甘露灑灑日挹注類如宗族氣味親誼同
子母情盤固歲晚彌榮傲霜雪年深轉密存

高節連茹一本茂千莖青筠綠篠欣鉤結貞
容自守無榮枯生意檀欒氣固殊意致蕭疎
凝纖粉瑤華葱禱難形模石壇寄跡干霄上
衛母天成共相向簫韶間奏引鳳皇一曲陽
春發幽暢植物高超擅秀異自有清貞却妍
媚草木無知感至情靈根堪羨舍精粹君不
見北堂萱獨鍾孝感探根原質當移取日依
附金英翠幹同萼蕃

六花

味餘書室全集定本

卷七 詩

五

天衢幾陣散銀沙誰倩博來六出花巧勝梅
英添一瓣化因珠樹燦層霞幻成根識維摩
室畫擬周流太昊家十二瓊樓高映處錦幙
半護已堪誇

最喜繽紛舞玉沙層臺寶樹積三花坎方有
象成銀蕊律琯無聲散彩霞鼇背晶瑩搖海
窟龍鱗璀璨舞天家錦藩集處誰能辨六合
同雲瑞足誇

水歸其壑

顓帝司晨川澤
五衆流歸壑
伏泉幽派宗
渤澥三時暮氣
合崑崙萬古
秋幾動有形
能化雉數窮無
力鬥潛牛會
看玉鑑波騰
湧擬向蓬壺
作勝遊

浮天浩浩千源
發行地淙淙
萬壑幽石紐
成功宜祀夏
冰夷聞道不
驚秋寒茭勿
事空沈馬飾
土何勞更築
牛長此坊庸
歸水性黃衣
報嗇足歌遊

恭和

味餘書室全集定本

卷七 詩

三

御製題明臣史可法遺像元韻

墜統一時雖竊土
忠魂萬禩自流芳
人心已去矜孤節
天命難回引大綱
遺像復書存感
慟

宸章特筆表輝光
崇祠梅嶺春秋老

錫額褒題蹟可揚

讀諸葛亮出師表

陵夷火德蔽黃雲
欲振頽綱屢出軍
遺憾未能成一統
孤忠豈獨保三分
戎行籌畫艱難

策官府敷陳痛哭文仰止鴻名伊呂並千秋
編簡尚流芬

滅魏吞吳計兩空先生蹇蹇竭微躬中原六
伐心猶壯蜀漢餘分勢已窮魚水君臣三顧
舊日星光氣兩篇中他年縣竹能全節更湧
江濤作怒風

桃源行

紅霞一片迷春霧夾岸緋桃千萬樹棹舟漁
子入深溪武陵一曲尋仙處舍舟遵陸徑逶

味餘書室全集定本

卷七 詩

五五

迤曲路斜通出水涯川源盡處闢異境別有
天地鍾神奇桑麻雞犬成村落瓦屋茅檐自
鱗錯婦子嬉遊情共親避人仍是人間樂塵
容驚顧來仙都設酒烹雞薦野蒲自言避亂
偶至此幾遷陵谷曾須臾嬴秦當日肆狂煽
力驅蒸黎事征戰相攜穉幼入桃源終古紅
塵不相見晉代銅駝荆棘老咸陽宮闕埋烟
草與君今日共盤桓相忘世上紛爭擾外間
人將誰與歸招隱何緣與世違花氣溟濛護

深谷洞裏春秋人跡稀
重尋莫辨前溪曲
徑僻林深隔塵俗
人世蓬萊不可通
流水桃花空斷續

月照冰池

圓魄中懸照方池
恰映冰雙清光莫辨一氣
妙相凝散彩穿金窟
連輝貫玉繩印川波不
動臨岸景堪憑
皎潔看同絢晶瑩豈獨激
浮天融艷艷入目眩層層
靜有婆娑影空無沆瀣
蒸瀛壺如可鑒心賞與誰徵

味餘書室全集定本

卷七 詩

五

擬桃源中人送漁人出洞

深境無人到何緣
子獨來東風邀客至
古洞為誰開一片留紅雨
千溪掩綠苔殷勤君自去
仙境漫沿迴

擬漁人復至桃源不復得路

記取桃源路仍尋前度來
溪聲流不盡雲影望難開
厚意傳餐飯深情印古苔
那能重得路悵惘棹初迴

題周海山先生登舟圖

五言排律一百韻

帝德昭重譯

皇猷拓八埏殊方同職貢率土荷陶甄告至

梯航遠來朝賚贄虔中山開舊國首里闢當

年疏球都會名首里城念祖歡斯古探源巴志先隋書

王姓歡斯明永樂中尚巴志并三山以後皆為尚氏世傳依

象闕子繼奏瑤笈情以陪臣達誠邀

聖主憐懷柔歸有極膏澤沛無徧纘服寅恭

篤包荒

申命宣琉球世恭順其國王尚敬於乾隆十六年薨嗣子尚穆遣陪臣毛元翼等

味餘書室全集定本 卷七 詩 五

齋表恭請襲封班符稽典瑞齋

勅簡清員順治年間遣使一次康熙年間遣使三次茲命大學士會同掌

院學士等揀選見蝌篆新文煥篆告成以清

新印頒給麟章故事沿欽派侍講全魁充

品麟賜一服贈圭今

錫爾軌物昔由焉吉語宜同濟初選四人

可和衷倍矢乾自

天堂殿詔航海玉堂仙華蓋輝南極星槎下

遠邊通渠初放棹官路漫馳駟鷁翔吳越

驂駟啟趙燕杏花籠寶絡楊柳曳珠鞭二月

烟光麗三春淑景妍蓬瀛頻望斗嶺嶠暫停

舩公於二月出京至四月抵閩疆場紛迎送者童擁笑嗎

祀神陳束帛祈福薦純牲靈后潛孚佑拏公

效吉蠲先期官行香海舟以祭公從祀蜺旌排巨

艦犀甲列牝船營衛從逾百商籛汰已千使

臣多帶僕從並載商貨重溟潮絕信荒徼檄

先傳遙岸層霄失高帆萬丈牽迴瞻旗鼓外

仰指女牛躔誰註元虛賦真圖王會篇安瀾

味餘書室全集定本 卷七 詩 三七

辭虎峽挂席絕鯨川公於六月從五虎門放洋利涉雲津

闊衝流月窟旋砮轟聲轉地杳靄氣浮天鹽

撒六花雪波翻九點煙靈鼉噴汨汨異鳥馱

翩翩烏兔時欵飲魚龍戲汗涸朝宗羣漫濕

匯合注潺湲漢柱鯤鵬宰秦橋鼎鬲懸古今

長浩渺晝夜總齋滌未泊花瓶嶼還尋姑米

巔增城迷鶴影貝闕漾蛟涎駭浪鞭鼉吼狂

瀧震鼓齎何期颺颺作有命死生捐

詔捧忠堪白身輕志獨堅絙腰非體制摧骨

斷紫纏封舟於十四日至姑米忽起颶風舟

離若奉以行眾將何恃不如勅動以安人心

止之至二十四日風愈暴龍骨折旋索皆斷

忱顛媪祇護魂飛雷雨穿臣心原鎮靜天道

豈屯遭掣雷流烏速焚旗雪炬燁紅燈漂閃

灼朱霧罩揚焟磐石驚礁貫兜羅定手拳時問

笑於神專泊此地吉是夜風暴轉甚大雷雨

倏見神火飛向桅末焚招風旗海面一燈浮

米若烟霧籠罩須臾船身直趨向岸一礁石

透入船腹不動亦不沈由是得免公於萬疊

然不懼至誠感神如響應焉暫安修檣纜順

味餘書案全集定本

卷七 詩

五

候逮津垵入險欣初脫垂危念屢遷鶴頭山

憑指顧馬齒山名浸淪連風定船膠乃捧

二百餘人皆得更生王世子連撥國中接使

海舶迎載遂易舟乘風開駕至琉球

藩幢導迎

恩禮數全雕題我綰髻頰面突高觀闌咽排

輿衛啁啾奏管絃圖新沿世土追昔軫重泉

寵錫頒鏐錦榮褒奠瑑璿共球常翼後帶礪

克光前感渥彌欽若凝床保慶延儀繁觀盛

備

威咫尺登緣

遞舉冊封諸典

諭祭

忭戴翹

穹碧輪將啟秩筵尊壘盈薦席繡綺燦番璫

翠酒醇醲艷丹鼇異饌鮮蠻歌聽雜沓夷劇

舞還僊八景窮遊覽三山隔市塵晶瑩搖火

齊璀璨湧珠蟪

琉球國有三山八景

圓鏡危峰挂

泉崎夜月

寒潮輶石濺

閩海潮聲

蚪松遮洞壑

龍洞松濤

鳳竹隱

籬楊

久米竹籬

城嶽通源派

城嶽靈泉

蕉園映蕙荃

中島

園橋虹明綠霤

長虹秋霽

崖照絢青蓮

筍崖夕照

歲事

秋冬易經時紀次還瓜期占渤澥梅信度巴

味餘書室全集定本

卷七 詩

二九

滇敬餞酬金鑑廉銘喻鬻饘上卿惟直亮遐

服自低跼處義輕縑貝安貞却綬錢

公以七月至琉

球明年二月回程同謝

恩進貢兩舟

造

舟操帖妥奉節耀鮮扁出港趨針路凌颿蕩

日淵太虛光晶晶元牝息縣縣蜃化成樓閣

驪騰挾鮪編倚橈回旅雁望泊數飛鳶

北極瞻葱鬱東鯤免躡顛崇祠仍報賽華袞

得褊褊

回舟至閩行諭祭海神禮

內水三篙漲晴郊四

牡駢閩都宜舍筏冀野樂歸鞚前席

行宮啟過程

禁籞連江鄉看喜氣獻里謁

巡旃

時府公於

上方南巡至河間

命

晉號蕃釐答

觀經揖讓聯

又據詞代請琉球陪臣子弟入

學皆

報可微衷通悱惻

清問慰幽悃重感生成

諭難忘溝壑填

情形蒙

名見時

歷陳遇

風神

救

生語裝輕殊陸賈鑿空類張騫功業傳圖繪方

隅核簡編

公作球志略

丹青工貌肖球銑競雕鐫

味餘書室全集定本

卷七 詩

三

公選畫工作登舟圖題者

勝蹟榮光燭雄詞

寶缺然前修摛錯采末學笑懷鉛武庫方據

悃台階欲並肩百川珍自效一勺妙難詮岷

蜀推耆宿岵交仰大賢壯游懷蹇蹇晚節勵

拳拳蠡測思鴻洞毫濡寫細涓望洋聊作頌

杯芥費磨研

枝高出手寒

江國探梅信高花木末攢拳芳欣向暖舒手

乍知寒映雪蠶繅白臨風鶴綴丹一枝攀月

下半禪出林端偏袒衝山峭褰裳鏡水單拈
來人索笑折取夢驚殘露凍金仙擷沙明玉
女搏膽瓶深貯好翠袖倚琅玕

程門立雪

雨雪爰徵道詣敦游楊訪學立程門誠通性
命情彌凜候歷冰霜氣倍溫盈尺六花雖皓
皓循牆一念自存存親師篤信忘寒沍好為
堅持到脚跟

草色喚行春

味餘書室全集定本

卷七 詩

五

無邊春色到柔萋似引遊人試馬蹄淑景迎
眸青始放芳茵襯步綠初齊遨頭喚客新嘗
酒婪尾催歸竟繞堤別浦重來情眷戀文通
賦後倍萋萋

程門立雪

味餘書室全集定本

味餘書室全集定本卷七 程門立雪 黃鉞恭校

味餘書室全集定本卷八

古今體詩九十三首

已亥

恭和

御製元旦試筆元韻

紫極開韶麗始青履端品彙喜流形三元共
慶嘉祥集萬國同臻壽考寧候轉勾芒春有
信歲符理紀息無停八風行政

鴻慈溥試向靈臺取次聽
青精瑞應降蒼神輝煥

味餘書室全集定本

卷八

天章試筆新日出寅賓瞻

聖主史書亥字福蒸民珠杓東指三階正斗
極中懸大地春

帝治懷柔歸有極朔南藩服盡來臣

齋宿書房

典重

祈年仰

聖誠齋居東壁近

乾清春光駘蕩陽方泰月影希微魄始生望

切

天膏占後甲民歌
帝澤沛先庚圖書率性叅精密默養心田慎
滿盈

花未全開月未圓

每從妙悟趣還賒幾望冰輪欲放花玉蕊底
須舒寶絡銀盤誰擬補飛霞色空香雨心相
映目送層波面略遮好待禁城三五夜廣寒
金谷競清華

味餘書室全集定本

卷八 詩

二

射雉

春風習習生林皋上林射獵相遊遨摩空錦
雉穿香霧翰飛直與浮雲高王孫攬轡舒金
勒笑指雲間爭巧力雕弧滿月速星流一箭
穿霄墮飛翼

有鳴倉庚

駘蕩春晴好倉庚恰恰啼聲連紅杏苑語寄
綠楊隄出谷翻清韻遷喬覓故栖林疎韶景
早山遠夕陽低睨睨輕烟冪冪薄霧迷金

梭穿弱柳翠錦織柔莩曲譜風中調音傳雨
外蹊雙柑如有約載取品新題

觀德壽寺海棠

尋春迤邐梵王宮艷絕雙林發碧叢雨浥唐
妝含正紫烟凝蜀錦帶微紅誰看珠樹三株
燦堪羨名花七寶籠絳蕊不須甘露滴衆香
國裏色根空

德壽寺寶鼎歌

魏我古刹雄上林瑰璋寶鼎逾竒琛摩挲光

味餘書室全集定本

卷八 詩

三

采百年物洪鑪鼓鑄鎔寒金炎精烹鍊鬼工
造刻畫靈囂赤龍倒風磨雨濯活翠成禪味
冥通出精奧

聖朝瑞露灑蠶叢慧日高懸照法宮神物自
有鬼神護保持火劫超罡風食足應滿如來
願衆香鉢裏盛香飯法輪悠久永無疆寶鼎
莊嚴億萬萬

五雲正歌

庚子山馬射賦
正繪五采之雲

騎射雄風校才藝繪布五雲張古製華林故

事今尤工錦埒如弦因地勢王孫繡褶顏渥
丹挾矢彎弧巧據鞍盤旋良馬殼未發萬人
如堵爭環觀穿楊懸蟲論豪髮電掣星流勢
激越阿香怒轉雲母車羿妃笑貫瑤臺月白
虹一道破錦紋霽花五色看繽紛得心應手
青莖斂試譜新歌歌五雲

桐始華

右个陽和居華攢百尺桐芳苞含瑞露嫩蕊
放晴風雅合輕烟罩偏宜淡月籠鳳棲欣綻
綠鶯繞漸啼紅結處玲瓏錯開時靄霖濛枝
高滋地脈纈發識天工絮舞應難並萍生未
許同春陽看徧布草木荷悒悒

鶴鳴九皋

元鶴翔雲翮心期攬八瀛欲傳千里舉先向
九皋鳴引吭宮商備揚音烟霧橫圓盈驚露
滴嘹唳入雲輕韻叶琴中調神移天外聲幽
遐申素尚高潔迴含情朗徹江城表孤懸海
月清仙禽遊碧落振羽望神京

戴勝降于桑

靈雀因時降柔桑稱麗嫺一枝含翠髻十畝
雜香鬟氣洽春風裏音流暮雨間連畦陰合
帀接樹色爛熳繡體迷烟葉清芬點細斑花
鈿增絢爛綠幄隱緜蠻豈獨金衣繞寧愁紅
女攀明堂占戴勝紡織倍思艱

詠蘭亭禊事

集王右軍禊帖字

禊事初修春暮天蘭亭集會盛當年山林有
迹雖今古水竹無風自管絃樂敘所欣隨錄
述靜觀斯遇每情遷暢懷游攬形殊異一曲
清流感昔賢

翼然亭晚眺

集王右軍禊帖字

暢望情無極春光返照間危亭凌峭劣怪石
倚孱顏四野微茫樹遙天大小山長風來浩
浩仰視近仙寰

不為成詩癖吟哦幾度經水浮雲母碧峰染
佛頭青霞影舒葱鬱烟容聚渺冥萬松圍几
席天籟靜中聽

味餘書室全集定本

卷八 詩

五

詠柳絮

何限春光杳靄中又催弱絮出芳叢飛揚應
識心無著根蒂緣知色是空幾桁柔枝搖碧
落滿隄輕霧媚東風河橋客去誰攀折三疊
陽關氣轉雄

散作輕茵滾作球陽春有脚信難留飛來密
雪風前幻化去浮萍水上漚十里山塘空寄
跡一溪烟雨鎮牽愁流雲蕩漾柔情裊相伴
紅英出御溝

味齋書室全集定本

卷八 詩

六

過慈雲寺僧房

路左招提幾度過禪房小憩禮曼陀慈雲願
覆三千界徧灑楊枝潤麥禾
每從物外得天真客路忽忽結淨因暫去暫
來還暫住何妨插脚到紅塵

反舌無聲

反舌知機早無聲口若銜當春雖百轉正夏
慎三緘氣感柔能翕音希巧自笑欣來含喑
噴豈去效詁喃出入巖高蔭深沈協至誠薰

風翻萬樹夜雨滴千巖守默誰能啟安時自
置監昇平萋斐絕奚用做除讒

雨添山翠重

一雨嵐光重千山積翠添空濛遙欲滴葱蒨
景相兼雲合青蓮髻凝碧玉尖朝霞開畫
幃暮靄漾珠簾餘潤清堪挹含滋秀更霑屏
張明匝匝岫隱織廉纖出沐拖文綺無塵展
素練

彤庭觀物采十日叶祥占

味餘書室全集定本

卷八詩

七

賦得山夜聞鐘

得張字五言八韻
欽命考試差題

空山清夜迴音振白雲鄉寒漏傳塵外疎鐘
度上方澄懷欣寐歷入耳覺悠揚萬壑凝秋
氣千林動曉霜松濤如唱和鶴唳乍相忘響
過停雲表聲流窅堵傍磬同催月落鈴共語
更長感名通

天聽虞絃廣樂張

恭和

御製賦得山夜聞鐘元韻

得張字五言八韻

涼夜千山寂疎鐘發蘊藏乍聆天籟動頓覺
俗情忘寺遠疏幽韻巖昏轉淨方耳根傳竅
窅心地息飛揚林密流清唳潭空印素光餘
聲連曉月逸響應朝霜斷續元音備洪纖妙
悟當笙鏞諧
舜陞手筆漫誇張

讀書松桂林

何處讀書好清宜松桂林樹分濃淡景人坐
短長吟異卉攢珠細驚濤入耳深低枝縈素

味餘書室集定本

卷八 詩

八

帙落葉拂羅襟月轉釵橫翠風翻粟綻金開
函勤寸晷依樾惜分陰注碧添茶鼎飄香拂
硯岑一編欣靜悟幽致愜遐心

恭和

御製己亥孟夏

雩祭禮成述事元韻

禮展

圜壇龍見候

璇霄感應報甘霖薦牲薦幣

皇誠格時雨時暘

帝澤深九奏鏗鏘陳盛樂三階升降獻芳斟

欣叨

天貺敷嘉澍長養洪施

對越欽

然糠照誦

苦吟俾顧子代燭自然糠月黑輝微迴星稀
夜未央一編勤不倦幾炬影偏長細燄含明
滅輕風漫簸揚螢燈迷宿霧漁火散朝霜藜
杖功能匹松薪制未遑清堪同映雪廉豈學
偷光糟粃終無棄丁寧意莫忘

掬水月在手

水月雙清迴輝光互照通掬來文錦綠拾得
夜珠紅開合波紋碎微茫練影融大圓歸一
握素魄漾虛籠觸處明生象分時色即空觀
紋留掌上悟理印心中皎潔消輕霧沈浮借
曉風好從流宕際妙景徹鴻濛

奉送石君先生典試福建

銜

命遠衡文皇華賦四牡八閩溯舊遊化澤感
童叟輶車啟

帝京文光燭海右十郡望鵬飛競仰調元手
玉尺掄英竒奎彩輝南斗碩儒振士風學藝
培醇厚行旌飭河梁馳赴琨瑤阜三載坐春
風半歲別云久心懷去路遙目極天涯有雁
落遠浦沙風送長亭柳山明旗鼓開產毓夔
龍後丹荔賦中秋黃花採重九伯樂空驥羣
味餘書室全集定本 卷八 詩 十

剖

六月七日八兄蒙

恩勅就邨第詩以奉賀

恩錫榮封寶冊宣輝煌朱邨

苑西偏洞天仍日親芝宇福地今欣啟桂筵
博學無方期樂善就詩有

訓願希賢

御製示諸皇子詩有航
詩漫學我努力且希賢之句棣棠

雜詠情歡洽滿坐和聲播管絃

消夏雜詠六首

水亭

略約橋西路招涼坐水廳檻前新漲碧戶外
遠林青虛礪鏘笙磬微風漾藻萍葛巾清爽
挹把酒近朱櫺

石洞

庭北堆危石縈紆洞壑藏幾叢攢翠萼一線
隱天光月轉琴橫膝苔侵書滿床清幽消溽

味餘書室全集定本

卷八詩

士

暑小住納新涼

夜來香

小有玉蘭體清芬入夜添室中含馥郁宵際
映穠纖人定香纔發更深露透露幽姿誰領
略斜月半窺簾

梅漿

驅炎誰變理消暑試調梅素液浮冰椀清芬
漾玉杯投鞭思止渴下箸笑驚雷絕勝五陵
客葡萄泛綠醅

冰丸

夏薦驅煩暑珠光晃玉盤紛霏雲母實碎翦
水晶丸小大銀瓶錯勻圓月窟寒微涼生肺
腑冰去聲齒笑團藥

艾繩

誰採三年艾千絲好結繩懸來添馥郁炙處
避炎蒸入室烟輕裊當窓露欲凝夜闌明月
下幾點引螢燈

為十七弟題扇上畫竹

味餘書室全集定本

卷八詩

七

綠篠垂崖勁丰神聚一枝烟梢舍婀娜露葉
舞離裊妙筆傳真趣虛心挺逸姿清風生掌
握六角漫矜持

秋景十首

風

颯沓涼飈報早秋又催節序付颼颼笛聲乍
破他鄉夢雁字偏書旅客愁有興黃花開滿
徑無情紅葉漸盈溝烟雲爽豁天光迴汾上

新詞好唱酬

月

夜來宜月又宜秋，寂靜池塘作雅遊。
桂影婆娑長不老，金波皎潔願遲留。
鉤沈水底魚藏葉，弓挂雲端雁落洲。
清入詩腸凡緒洗，好從圓缺悟浮漚。

雨

瀟瀟涼雨渚烟秋，殘暑全消枕簟幽。
浙瀝敲窓驚好夢，霏微灑竹發清謳。
平沙雁影音方杳，出沐山容翠欲流。
幾陣催寒人不寐，踈砧

味餘書室全集定本

卷八詩

三

何處更添愁

晴

雨過園林一望秋，涼霄高迥翠全浮。
白雲無迹清風捲，玉宇疑輝素月流。
浴鷺獨翔蓮葉渚，邊鴻飛渡蓼花洲。
夕陽掩映嵐光遠，幾片紅霞天盡頭。

夜

涼宵不寐恰當秋，月白風清價莫酬。
螢屢照書情最洽，蛩頻促織景偏幽。
玉繩踈耿星光

煥金掌高寒露彩浮一枕無塵詩興迴華胥
莫漫作神遊

葉

梧桐一葉早驚秋况復清霜警露滴密蕊堪
憐蜂蝶繞故枝難斷別離愁舍風蕩漾辭紅
樹逐水沈浮出御溝猶戀根株尋舊迹時移
無復翠條柔

山

峻嶺高撐碧漢秋蒼青不斷軟紅收萬重屏

味餘書室全集定本

卷八詩

古

嶂鋪金鳳幾點林巒鎖玉蚪寶髻懸珠明月
挂仙鬟披篋宿雲留涼風颯沓天光迴拾級
堪尋物外遊

水

長天一色五湖秋潦盡澄潭碧浪流日蘸波
心清到底風疏水面氣全浮沙鷗閒立白蘋
渚輕槳獨搖紅蓼洲萬頃無涯供遠眺斷霞
幾縷片帆收

雁

漠北風高雁陣秋，衡陽南望路途修。
來賓遵渚聯兄弟，報候銜蘆結侶儔。
萬里獨傳雲外信，一聲常動旅中愁。
橫空嘹唳情如答，問汝星霜歲幾周。

蟬

寒蟬聲裏乍驚秋，一帶斜陽韻獨幽。
飲露蕭疎思故態，吟風斷續起新愁。
蛻輕偏化烟雲去，翼薄難禁霜雪稠。
莫漫閒情歌一曲，柳陰蒙密雨初收。

味餘書室全集定本

卷八 詩

十五

波澄乍露魚

平湖一碧淨涵虛，綺縠風紋羨躍魚。
溯水乍看鱗鬣作跳波，戲出網罟餘閒情。
撥刺銀花合隨意，沈浮翠藻疎目極。
秋潭咸若理漫將心計託筌漁。

以蟲鳴秋

何處官夷則，寒蟲應九秋。
三階微韻達幾樹，好音流風露零無定。
淒涼咽未休，牆邊聲斷續。
草際轉清幽，漫譜催機意。
偏增少婦愁，月

橫紅藜密雨濕綠苔稠順候鳴商律知時發
素謳白箴通玉琯氣感自相投

懷柔道中喜晴

雲氣朝來變秋霄放曉晴露含花競笑風動
樹無聲碧嶺橫開障清流曲繞城太平農事
好景物近西成

南天門遠眺

南屏鎖鑰勢包羅傑峙天門裊翠螺古殿巍
峩開絕塞踈鐘飄颺出烟蘿豐登滕隴收禾
黍閒牧牛羊散澗阿襟帶榆關山不斷秋光
淡蕩屢經過

過青石梁

巖轉山如削林深馬易驚溶溶秋日淡拂拂
曉風清絕磴盤雲上流泉咽石鳴千年此長
道來往動遙情

至熱河題書齋

書室三間敞窓開山四圍芸編時展几涼月
乍穿麻遠樹舍秋色遙天帶晚暉靜中無垢

滯虛白自生輝

普陀宗乘廟拈香

福地天開避暑莊招提建築本西方化身普
徧閻浮界演教皈依大法王獅吼通明成淨
業雷音覺悟現圓光無疆
聖壽綿千萬臣子微忱祝瓣香

中秋夕同十七弟聯句

龍塞秋方半

皇十子

光明透廣寒千年同皎潔

皇十子

七子 五夜喜團藥瓜餅開筵上

皇十子

詩詞發

味餘書室全集定本

卷八 詩

七

筆端樹頭懸桂魄

皇十子

雲外湧金盤今節宜

清賞

皇十子

涼宵得靜觀聯吟同宴樂

皇十子

瀟

灑太虛寬

皇十子

懷石君先生

客裏情無極秋光豁翠巖使星閩嶠現斜日
塞山銜大漠方隨獵炎洲正挂帆迢遙千里
外誰與達書函

霧

古塞天高八月秋冥濛朝霧望中稠石危尋

磴輕馳騎崖峭穿烟乍豁眸映靄迷離雲海
濶隨風聚散曉光收須臾日出千峰靜黃纛
遙瞻最上頭

殺虎行

上蘭大狩長圍集猛虎一聲蒼石裂欣飛雲
集競雋豪綠沈鎧甲光凝雪

君王攬轡立崇岡名藩武士羣環列負嵎獨
踞密林中漫恃蠶叢為窟穴須臾大吼迸深
箐星流閃爍胸洞徹斑斕委地猛氣消細莎

味餘書室全集定本

卷八 詩

六

狼藉凝腥血祛殘何異掃欃槍詰戎歲歲揚
皇烈

早寒

朔風勁烈吼巖端塞北天高秋氣寒踏霧驛
騶驚雷足摩空鷹隼弄霜翰羊腸曲處流偏
急馬首迎來月未殘圍合山陽羣縱騎一鞭
朝日晃征鞍

獵

詰戎盛世紹

前光雁塞秋深選獵場
甲士一千騰羽騎名
藩卅九列賢王犬牙
崩劣中權握鳥道縈
紆兩翼張一發疊雙
欽

聖武聲靈儼侯滿平岡

過達顏達巴漢

谷迴林轉聳青鬢直上層空
萬仞山不斷岡巒羣拱極
盡消樹木闌孱顏連雲勢
展提封外疊碧高撐霄漢
間絕頂停鞭開眼界神州
九點俯塵寰

味餘書室全集定本

卷八 詩

十九

紅葉

塞山霜信早絢出萬株
紅點染煩青女生成
荷化工色殷含宿雨
葉脫任秋風景物堪
圖取寒林薄雪中

望玲瓏山

誰鑿乾坤竅行程指顧
間風雲歸吐納日月
共迴環鍊石成微鼓
求珠失大還玲瓏撐
萬古真可破天慳

度嶺至喀拉河屯

寒雨連宵入夢中
曉來霽色敞秋穹
長途望去青山合
烟驛行來碧水通
幾處丹楓搖白日
無邊黃葉下西風
遙看雙塔凌雲表
終古相依插半空

九日南天門登高

客路逢佳節
天門眺望豪
何人同把酒
此地合登高
最喜風光好
偏憐日月慚
黃花臨戶牖
敗葉付蓬蒿
高潔空懷孟
優游漫學陶
嵐光侵古寺
野色浴征袍
曲澗瀉幽韻
喬松翻怒濤
秋聲撼萬樹
日影下平皋
攬勝皆吾輩
狂歌笑爾曹
茱萸欣共把
染筆試題糕

石匣營

重鎮何年設
秋風石匣營
亂山環古塞
斜日照孤城
戰骨埋荒草
邊烽斷巨鯨
太平民樂業
終老不知兵

木芙蓉用韓昌黎韻

晚節發新叢
當秋次第紅
拒霜寒葉密
照水靚妝同
舞態羅裳細
拳芳玉笛空
漫誇三徑

菊共爾傲西風

煖硯

涼風動冷節玉墀集輕霰芸帷漸覺寒坐識
年芳變奚待呵凍筆先時炙煖硯良工巧構
成妙制義創見水火自相濟靜不需鼓扇爐
中常溫溫揮毫洵利便結網良有因毋使臨
淵羨

張檠

新冬勤課誦喜展讀書檠玉蕊時偏燦金蟲

味餘書室全集定本

卷八詩

五

翦屢更焚膏精校勘刻燭費經營棊几供吟
賞三餘詩思清

臨書

綺室冬溫棊几舒臨池漫學右軍書揮毫運
腕分生熟樞帖耽心辨魯魚飛白未能窺絕
藝硬黃聊可味三餘行間靜繹心傳在落筆
惟慙八法疎

琢句

三百著詩源言志分比賦李杜氣渾成蛟龍

自盤固後起競浮華尋章蕪摘句陶鑄失性情
浮靡障花霧推敲窮一字淵源徵典故往昔著
詩壇才名堪指數雄詞鍊十年雋語成七步雕
琢愍遺風寸心隨所遇寄語後來者方斲破深
痼

賦得小陽春

得元字五言八韻
欽命考試差題

律轉應鍾候時和復一元化機春乍兆陽籥
節同論歲德徵循轉神功探本原融風來北
苑暖日照南軒璇極環天象珠杓麗斗垣梅

味齋書室全集定本

卷八

詩

五

英傳庾嶺雪蕊集梁園嘉瑞康年樂黃綿炙
背暄

宸懷觀物化敬授溯心源

賦得百川學海

天地包涵大循環不息功百川齊學海萬派
盡朝宗疏瀹分流遠滄溟匯合同源泉發西
北經緯畫南東一氣洪濤壯千陂激浪空瀛
洲蒼浩裏香水渾淪中就下歸樞極盈科徹
始終文瀾方蕩漾

聖世振儒風

嘉稻卷平疇

老農稼穡市平疇
快卷黃雲盡斂收
繡壤蓋藏登萬寶
鱗塍刈穫及三秋
滌場婦子爭酬賽
薦社雞豚足膳羞
最憶江南梅雨候
稻花千頃蕙風柔

詩筒

高吟有興寄詩筒
佳作飛來往復同
雅合寸牋傳警句
清宜一握撫絲桐
風流盡付龍孫節
郵遞無須竹馬童
有斐冷筠應入律
妙成嶮管豈空侗

芸始生

芸草乘陽氣迎春
茁土生香纔包弱
韎色已綻金莖可
驗天心復誰占地
道亨水泉初欲蕩
蠢動亦含情性豈
先時發機能順候
成影隨寒月轉質
耐朔風驚序感迴
環理恩加草木榮
品題遵月令

宸翰振先聲

望雪有作押東坡聚星堂賦雪韻仍用

禁體

風疏曉箭驚寒葉長空颯沓將飛雪微濛集
霰逗冷光小園卉木真清絕詞傳梁苑會衆
賓擊鉢成詩齊磬折澤敷滕六勢已成巽二
披猖難盪滅露井梧桐鳳欲翔荒蹊松柏龍
初掣灞橋驢背客未回回首芳苞拓微纈誰
言咳唾落九天繽紛共喜羣霏屑天孫海上
乍遨遊如雲萬點風花瞥豐登來歲祝三農

味餘書室全集定本

卷八 詩

十四

欣傳佳兆同笑說六一先聲嗣大蘇警詞清
激蕤賓鐵

長至齋宿書房同十七弟聯句

祭典重南郊致齋君起敬書室夜清幽

皇十子

閒坐試吟詠牀榻聯無塵涼月明如鏡素魄

自高寒

皇十子

人影淡相映玉漏遠傳聲虛窻

回以淨一陽生天心

皇十子

萬彙錫篤慶晤對

得靜因澄心息紛競

皇十子

登岱行

登泰山小梁父岱嶽鍾竒萬萬古東方作鎮
位獨尊控制徐揚扼齊魯天開地闢奠山河
疏鑿辛勤歸大禹玉檢金泥何處求漢晉空
傳封禪譜名山大川甲天下嵩恒衡華位列
五巖巖帝出日初升赫赫皇都屹左輔東巡
秩享著虞書大易標震艮為土峻極誰能擬
天孫不數徂與新甫瑤臺瓊室冠峯巔碧
霞縹緲聯玉宇青壁無路不可通九關守險
馴鸞虎神靈感召到下方觸石興雲徧甘雨

味餘書室全集定本

卷八 詩

二十五

四德首元本象仁春陽天下咸和煦發生造
化焮洪爐元冥呼吸恩洋普非關景物供吟
哦天地生成氣吞吐中心仰止跂登臨天雞
一聲欲起舞精誠蠖濩託長歌願期臥遊夢
天姥歌未終思不窮心懷瞻望天衢通何當
振策千峰表一洗紅塵芥蒂胸

靜夜吟

玉漏丁丁嚮銀闕寒夜清飈凜肌骨紙窓印
破一翦梅萬籟銷聲惟白月悠揚笛韻約略

傳恂恍雲霞逼毛髮雙丸健運閱古今東西
輪轉無休歇舉頭但見亘銀河三五明星燦
然列炷香淪茗喜清幽盡驅觸識靈臺潔

燈花

起草饒閒暇華燈晷乍停生花真即幻結蕊
影成形未許施銀翦先看冷畫屏無香來馥
郁有色燦晶熒倏忽開微蒂萌芽發寸莛不
教風蕩漾肯與蝶伶俜天女霏宵露牟尼悟
曉星深根難見跋釭壁自含青

味餘書室全集定本

卷八 詩

五六

筆帽

文鋒傳策削改制始秦恬刊竹形猶斂加冠
性愛潛管城初錫爵毛穎未濡髯垂露隨時
用藏頭且自謙生花三蕊燦窺豹一斑纖束
髮能霏墨抽簪亦礪廉請纓才本健脫帽禮
無嫌草聖風流續叅軍佳話添毫端龍籜正
錐末鳳華露老禿功難棄中書萬个僉

望雲思雪意

欲雪濃陰結遙空入望宜山頭分淺淡天角

幻離披集霰徵先兆微濛恰及時封中隨霧
起樹杪泱烟垂未許飄風蕩應欣惠澤施葱
龍纔鬱鬱醞釀故遲遲農事春初急

宸衷午夜思已成霏屑意心與白雲期

小寒

小寒感發戒于茅鄒谷先春序不消雁宿沙
灘羣北鄉鵲棲梁棟喜初巢癸方斗指因時
轉亥律鐘懸應候敲墜戶圍爐占令節月正
自古說商郊

味餘書室全集定本

卷八 詩

二十七

自古風篁清聽

蕭森過竹徑風拂喜銜鳴左右娛心樂琤琮
入耳清夏然情自叶鏗爾韻徐生習習思高
致泠泠洗俗情妙音歸至調天籟應元聲涼
月穿林靜幽泉濺石平疎篁諧滌盪勁節動
絲笙凡慮欣除盡聞思觸類成

種竹步東坡次劉貢父韻

種得篔簹數十本鞭行東向審其初春前灌
溉勤培厚臘後滋融好味餘相伴寒梅香細

膩獨留殘月影蕭疎此君勁節欣常接兩字
平安有報書

擬東坡王伯敷所藏趙昌花四首用其

韻

梅花

古渡客停驂白沙捲匹練寒光逗遙林迷離
雜朝霰驛長一相逢素英半遮面鉛粉態未
工疎枝寫霜片不遇洛浦仙頓覺銀海泫幽
情付生綃瑤華拓芳情

吟餘書室全集定本

卷八 詩

二十八

黃葵

薰風困午睡清露滴宵涼
頰英苞正色向日生輝光
黃中有通理嘉卉開毫芒
斐然衛其足妙筆傳趙昌
艷裝間淡抹清影凌初陽
尺幅具逸品展視留餘香

芙蓉

大火已西流涼飈散積潦
芙蓉色向榮閱時更鮮好
照水空自憐浥露容未槁
孤芳拒嚴霜寒威肯傾倒
乃知造物心託根苦不早
清

芳寫生姿妙手看迢老

山茶

稜威迫萬卉碩果搖巖風山茶秉弱質灼灼
冰霜中莫謂兒女姿笑映十八翁江南饒物
候木落寒天空密葉綴燕尾磊落珊瑚紅生
機本不息醜艷因化工

擊壤歌

擊壤歌兮歌聖皇時風雨兮百穀昌泰階正
兮符休光四夷賓兮盡來王東日出兮西氏

羌羣環拱兮開明堂天瑞著兮翔鸞凰地瑞
獻兮靈芝芳萬物阜兮民安康稱郅治兮君
道彰力穡事兮敢不遑豐年樂兮萬斯箱鴻
慈溥兮鳳詔揚厚澤浹兮暨要荒廣覃恩兮
逮里鄉壽域躋兮大化張賜賑卹兮寬逋償
廣作人兮被八方帝力厚兮百禩長純禧集
兮福澤慶拜稽首兮敬賡颺萬萬壽兮壽無
疆

迎歲早梅新

迎歲梅開早芳苞及今辰信傳三尺雪花報
一枝春拓纈來湘女凝裝降洛神風前舒半
面月下逗初顰庾嶺連翩發孤山邂逅親清
疎纔有韻淡泊不生塵詩思尋高致琴音撫
淨因素英欣餞臘逸友正鮮新

臘祭迎神送神詞

歲事成兮八蜡報祀靈神兮肅雲駕更新兮
歲終陳俎豆兮慶我農功擊腰鼓兮兒童喧
靈風拂兮珠旒翻旨酒兮盈罇南榮煦兮日

味餘書室全集定本

卷八詩

三十一

暄神之來兮駐轡願年年兮禾生雙穗式格
歆兮清闕

右迎神

三獻備兮奠椒漿衆舞陳兮翔鸞皇嘉餉設
兮醉且飽拜稽首兮申祈禱五穀豐兮登萬
寶千村樂兮逮幼老神之去兮願少留雲輦
升兮紛翠旂弭桂節兮祥雲流錫嘉祉兮歲
有秋

右送神

味餘書室全集定本卷八詩三十一

臣黃鉞恭校

